



三隱合稿 乾

韜公藏

~ 16  
2318  
1





和  
23/8  
1-2

三隱合稿序



麗氏之季多守義成名之士以隱為號者為十  
人而田氏兄弟居其三焉壑隱諱祿生值玄陵  
之世逆臣李仁任議迎元使背貳 皇明圃隱  
鄭文忠公潘南朴文正公共爭其不可壑隱率  
諫官李詹抗疏請誅仁任同被濬刑以死壑隱  
仲氏耒隱諱貫生見王朝屋社與杜門洞諸子  
各言其志耒隱曰溪八於山耕者誰知遂逃八  
絕海耒隱季氏文元公諱祖生以學問顯際遇



忠惠王至托二王子而期以霍葛滄泣受命朝  
服盡濕及忠定王遜位從王江華而托耕于隱  
三隱者齊名并美不翅若賈門三虎王氏三珠  
噫并世諸隱或輕性命而殉國或忘身世而自  
靖是所云殷之三仁同出於至誠惻怛而全其  
心之德者也槩隱耕隱殉忠麗世未隱色舉  
本朝是爲易地則皆然也蓋革代之際忠臣烈  
士成仁取義者未易一二言而或當歿生患難  
不奪所守而事功無可稱或節與功並著立身

處心不無遺議然論人當觀其大節大節既立  
其餘曷足較哉孔子曰國有道不變塞焉國無  
道至死不變孟子曰君子所性雖大行不加焉  
雖窮居不損焉必如此而後可以爲君子若三  
隱者庶幾近之又有節孝公漢老松潭公有秋  
性庵公佐命晦亭公子壽出處雖殊而成稱名  
德田氏之門一何多賢也即所云各得其本心  
而同謂之仁者歟槩隱耕隱二稿之行久矣三  
隱後承方謀合三稿而一之如古之聯珠花萼



問序于不佞不佞老閣鉛槧而竊有感於名行  
風節力疾而書之用附微顯闡幽之義云爾歲  
庚戌三月上澣唐城洪直弼謹序

三隱合稿序

孔子曰殷有三仁焉以余所聞麗季田氏三隱  
庶幾近之蓋微子箕子比干當殷之亾雖所行  
不同而至誠惻怛各全本心之德故同謂之仁  
按麗史逆臣李仁任議迎元使以貳 皇明鄭  
圃隱朴潘南力爭不可桎隱田公率諫官抗章  
請誅仁任與朴潘南同被濬刑以沒由是華夷  
不嚴喬木摧殘而麗民不祀忽諸是秉春秋大  
義而忠於麗如比干之諫也桎隱仲氏未隱公



見麗社之屋自杜門洞逃八絕海息影沈聲或  
恐革代新貴之相聞是不事二姓而罔爲臣僕  
如箕子之操也耒隱之季耕隱公以霍葛之忠  
受忠惠王託子之命及忠定王遜位從于江華  
如微子之志存宗社而忠定之遇鳩豈始料之  
所及哉故曰庶幾近之壑隱後孫田愚子明以  
三隱合稿來曰三隱雲仍固多紹述先志者然  
既季久書籍散亾幸賴生員公霖梧溪公萬英  
收輯斷爛既述家狀始有儒林諸公表章之文

今又百餘季矣諸孫謀合三稿而一之如古之  
聯珠花萼之爲受序於梅山洪先生已有年所  
宗人錫顯相稷發論始事將八梓使愚來請序  
文且講先世座主之誼余曰余曾以三隱述三  
仁則尊慕三隱豈但爲先世座主而已哉見今  
異言異服交錯正路春秋之義歸之弁髦恨無  
如壑隱之嚴辭峻斥又喜名鈞譽之習安得以  
耒隱之遯世无悶矯警之乎况聖學不明誰能  
如耕隱倡之以主敬存心之說乎子明志學有



立可以繼開歸與遠近諸族念祖修德篤志力  
行使後人皆曰不獨三隱庶幾三仁三隱之後  
又庶幾三隱焉 崇禎後五庚寅六月上澣光  
山金洛鉉謹書

桎隱先生逸稿序

蓋當麗氏之季權臣李仁任議迎北元使以  
背貳 皇明圃隱鄭先生與朴公尚秉力爭  
其不可桎隱田公率諫官李詹等抗章請誅  
仁任遂與朴公同被濬刑以死由是義理滅  
絕喬木摧殘而麗氏忽焉弗祀嗚呼覽茲行  
事變亦備矣後之君子其必有累歆於斯焉  
夫華夷逆順之辨春秋之大義也斯義也如  
日月之麗天夫人能知之然而降及衰末人



三陽合編卷一  
多爲私欲所汨其能維持闡明以光世道者  
絕未有聞苟或有直犯虓怒之勢確然守正  
以扶彝則於國命將傾之會者其爲忠又曷  
可少哉如圃翁尚矣所就有大焉固不可以  
一事而蓋之公與朴公其亦可謂衆流之砥  
柱昏衢之炯燭也歟雖然朴公則 朝廷旣  
加追褒遺文又已印布而獨公事迹沈沈  
泯無有表章之者寂寥篇什未免零落於蠹  
簡中身後顯晦之不同乃如是可慨也已今

其遠裔播拾散亾之餘附以諸公贊述將付  
剞劂而請序於余曰以子爲圃翁彌甥也余  
正容謝曰不佞何敢當茲役第嘗細閱勝國  
史約略見公事心知公與圃翁同志欽仰誦  
服久矣顧何可無一言况今日世界至於斯  
極視公時又加遠矣溯挹風烈益有所感遂  
書此以歸之公諱祿生字孟耕潭陽人登第  
官至門下評理公有弟祖生號耕隱圃翁作  
記夢詩有大材扶明堂之語孫漢老以孝行



卓絕縉楔門閭十世孫有秋號松潭有儒行  
今并綴其逸蹟短韻於編末亦可以見公友  
于提拔無愧陳家二方面忠義之報徵之子  
孫者愈久不爽如此云 大明崇禎紀元後  
再庚戌四月上澣龍仁李宐顯序

國家之治亂存亡係於任人賢邪蓋惟仁人  
節士之說行則亂臣賊子之謀塞二者之形  
有如水火南北不容並立於世故自古權凶  
之擅政柄也倡倡邪議以危宗社而一有爲

國盡忠直言不諱者則敲撼斥逐之不足終  
至於斬艾殺伐蓋必如是然後可以立己之  
威籍人之口而得遂其所志也是則士之不  
幸立於其朝而爲壬人所淡忘者雖欲無死  
於其手得乎余於壑隱田先生與我先祖潘  
南先生同翫之事未嘗不三復流涕粵在勝  
國之末姦臣李仁任乘玄陵被弒之後陰貳  
于北元至殺 天子使欲以其罪惡嫁翫於  
國其危急必凶之形迫在目前於斯時也爲



三陽合刊卷一  
麗氏臣子者但當抵死辨斥極力扶持其濟則宗廟得血食不濟則以死隨之此先生與潘南先生之所以與受其敗雖至殺身而無所悔者也蓋據史之所言先生於李詹全伯莫之獄與潘南先生俱爲其辭連遂不免於旤夫潘南先生首發大義上蹕力爭前後凡四見而最後二疏之尚今流傳者其忠憤之氣上薄雲霄雖謂之與胡澹菴封事相伯仲可也所以觸犯乎凶焰者已不一而足則雖

微辭連其死則宜至若先生則似不以但爲辭連之故而受旤若是之烈其間事實蓋有世遠而不可詳者矣竊嘗因是而推之先生在其時雖未有危言正議如我潘南先生之可考信於後世者而然而以文武全才爲時望所屬苟使先生登用者仁任賣國之罪在所必討故其見嫉之深蓋無異於潘南先生一朝因事擠之以致於并命者然也不爾則以李全二公之爲獄本根而傳之輕科先生



之但爲辭連而實諸極典絕不成事理雖彼  
凶賊所爲曩慝回譎不可方物而其顛倒失  
次亦不應至於若是之甚也或者有謂先生  
蓋亦有抗疏請誅仁任之事而史氏失而不  
傳此又事之或然而未有考焉者也第就其  
見於諸賢稱述者言之圃隱鄭文忠公追和  
之詩既足以見其尊慕先生之深而若益齋  
所謂高節首陽牧隱所謂慷慨絕倫等語尤  
可卽之而想象先生氣象後來之見危授命

成就大節實惟本之於此而况與我潘南先  
生同時被旤有若東京之李杜不可作差殊  
看則先生之所以爲先生者直躍如也傳曰  
不知其人觀其友其信矣夫嗚呼以先生忠  
義志節如彼其盛也而得展其所蘊則必能  
轉危爲安使麗祿不遂告訖而顧乃逢時不  
淑卒忤於姦凶以死尚論之士至今猶爲之  
於悒可勝痛哉可勝痛哉先生詞學甚高藝  
苑定論皆以爲文章鉅手今其遺稿所傳者



只有律絕疏啓合爲若干篇出於後孫萬英之所裒拾附以遺事行實蓋於國史家乘之外凡有及於先生者則隻字片言一無所遺不避其重複誠以由乎累百載之下考乎累百載之上不如是詳備則無以爲相發互見之資故也其用心亦可謂勤矣間以弁卷之文屬於余余固不敢當而但以不能忘先祖之故而輒敢略書其平日所感於心者如右後有君子得以觀焉先生諱祿生字孟耕潭

陽人壑隱其自號也仕止門下評理先生之第典書公祖生卽圃隱遺集中記夢詩所謂耕隱先生者也夫以圃隱之爲百世師也而盛稱公大材至擬之於孔明霍光則卽此而可知公爲人惜乎其言論風旨他無所考也今以圃隱詩附諸卷末與先生可謂爲二難矣先生又有孫漢老以孝子見於三綱行實并錄之後者以見夫忠臣之孫復有孝子其世類之賢有如此者云歲己酉復月潘南朴



弼周謹序

耕隱先生實紀序

一日田進士澆自嶺南之咸陽來謂余曰我先祖耕隱文元公邃學精思實爲麗末名賢而季代既遠事蹟寢晦幸有二首詩一篇文畱傳於家藏舊帖遂附以真贋及圃隱鄭先生記夢詩復錄野史若干條于後以著立朝榘槩而名之曰實紀願得弁卷一言以重之余謹受而卒業公妙年登第材望已著甚爲

上下之所倚重忠惠王嘗召與論古今治亂仍託二王子而期以霍葛公涕泣受命朝衣盡濕其所以鞠躬盡瘁者當如何而時運已去難容人力忠定王之遜位公從于江華而遂託隱于耕則卓卓乎其自靖之義也若其詩文七歲之作乃以奉立天君竭誠輔佐爲言生稟之異於斯可見所以誠于警學又皆本之躬行親切的確而論敬之旨旣得聖門相傳之意又慮其或偏而流於異端則淵淵



乎其造道之正也是知潘南朴公之惜其無  
壽而曰先生嘗不貳於斯者爲篤論而精研  
聖學忠貫日月圃翁所稱百世可徵且其記  
夢感慨傷惜意溢言外不但一時之鳴其不  
平而已考閱斯卷者可得公之始終大略而  
自不勝其激仰欽歎顧余陋拙更無可以發  
揮者何足爲序不以辭而略述此者只以託  
名爲榮而進士君之勤意亦不可孤也公諱  
祖生字季耕潭陽人嶺之士林立祠俎豆之

於宏寧云 崇禎四辛巳季冬日恩津宋禔  
圭序







映湖樓次韻

附次韻

拱北樓應製

送鄭副令寓按于慶尚

題合浦營

直夜

送江陵道按廉使金先生 九答

批答

李穡辭免左代言不允批答

啓辭

全羅道按廉使時陳倭寇防禦之弊啓

辭

疏

起居舍人時論鹽鐵別監之弊疏

諫官時罷知密直司事睦仁吉疏

附錄

本傳

畫象贊 三首



扈從錄

應製錄

遺事

歷官略

諸家詩文

卷之二

附錄

家狀

附舊跋 二首

卷之三

耒隱先生實紀

詩

自杜門洞逃入絕島與蔡多義朴典書

同渡碧瀾津和詩相贈 二首

附次韻

附錄

諸書記述

家狀



附跋文

卷之四

耕隱先生實紀

詩

壁上詩

誠子詩

上昇 王挽章

無題

題迎暉樓

文

警學文

附跋文

附錄

眞贊 二首

記夢詩

慶史節略

諸家撫實

行狀



家狀

遺蹟

奉巖書院奉安文

常享祝

奉巖書院請額通文

太學答文

奉巖書院請額疏

季語

三隱合稿目錄終

三隱合稿卷之一

文明公壑隱先生逸稿

詩

咏盆松

山中三尺歲寒姿移託盆心亦一奇風送濤聲  
來枕細月牽疎影上牕遲枝盤更得栽培力葉  
密曾沾雨露私他日棟樑雖未必草堂相對好

襟期

按師友各行錄曰八歲  
詠盆松詩見者異之

雞林東亭

按輿地勝覽慶州東  
亭在府東南五里



終日昏昏簿領間，偶因迎客出郊關。俯看逝水

歎流景，坐對青山多厚顏。半月城空江月白，孤

雲僊去野雲閒。更尋陶令歸來賦，千載高風未

易攀

見東文選輿地勝覽東京雜記○勝覽雜記末句作夏尋王紫登樓賦方寸詩情未

寬易

### 贈金海妓玉纖纖

海上僊山七點青，琴中素月一輪明。世間不有

纖纖手，誰肯能彈太古情。

見圃隱集湯村集輿地勝覽益城志海東

雜錄大東韻玉夢軒筆譚按筆譚曰壑隱溪得琴中旨趣詩語清越秀古而圃隱陽村亦相納

和韻稱艷不已可見其傾慕之意也

附次韻○本集作昔宰相壑隱田先生

為雞林判官時有贈金海妓玉纖纖云

在後十餘年壑隱來鎮合浦時纖纖已

老矣呼置左右日使之彈琴余聞之追

和其韻題于壁上 鄭夢周

此生何日眼還青，太古遺音意自明。十載玉

人滄海，每月重遊胡得獨無情。

出圃隱集

題清德樓

按輿地勝覽清道清德樓在客館東知郡崔安乙建崔元祐記



解宇崇岡底危樓壓上頭半空有平地炎夏似  
涼秋民力元無借樓名果不浮何須論四景清  
德說崔侯

見輿地  
勝覽

映湖樓次韻

按輿地勝覽安東映  
湖樓在府南五里

北望京華疊嶂多樓高客恨轉來加仲宣作賦  
非吾土江令思歸未到家楊柳自搖愁裏線辛  
夷初發亂餘花若爲江水變春酒一洗胸中滓

與槎

見東文選輿地勝覽永嘉  
志○文選永嘉作松郡

附次韻

後孫實

駐蹕蒙塵歲月多映湖樓上歎咨加前朝遺  
跡懸金額後世傳言在史家逝水俯觀形道  
體高山仰止想濂花碧紗籠面雖無力只讀

先詩謹賦槎

出滌城家  
藏行蹟

拱北樓應製

按輿地勝覽清州拱  
北樓在州北三里

一人登眺日萬物喜瞻初美景誰能賦蒸詞不  
用書面南顏甚邈拱北意無虛寓目山河秀雲  
煙亦媚予

見輿地  
勝覽

送鄭副令寓按于慶尚

丁未春



君看種樹橐駝傳移之官理可養人解道安民  
在無事牧隱詩語醇且真古人今人意不遠蓋  
傷世法多立新况今時勢如理絲欲速還自成  
紛續願言為事務從簡勿使一毫加諸民鄭君  
共稱慷慨士世微鄭君吾誰親傷心豈獨惜離  
別南望不覺沾衣巾

見東文選

題合浦營

接輿地勝覽昌原合浦在府西十里

此地前遊僅十春豈圖來鎮有今晨壁間拙字

知予否曾是當年下筆人

見東人詩話東文選海果雜錄大東韻玉

直夜

玉漏丁東夜未央推枕欲起先歎息同舍人人  
斲如雷奈何耿耿眠不得傷時憂國淚盈升感  
慨閑愁復幾尺嗟余不才久尸素獨臥愧衾那  
安席君恩如海報無門暖日香芹徒謾說荏苒  
光陰催老大昨日少年今日髮出門剩見鬼擲  
揄萬事腐心空仰屋通宵強綴一篇詩呼燈自

寫還自讀

見師友各行錄

送江陵道按廉使金先生

九峇○辛亥七月



白露秋氣高風聲葉辭木值子按轡行山川爲  
之肅凜然冰雪姿觀者首先縮缺却自怡勝

虞詩盈軸行八新春歸吾儕當刮目

出揚者齋遺稿外集

批答

李穡辭免左代言不允批答

王若曰予惟萬機至繁獨智難治曰有承宣之  
任實爲出納所由盖以所係者非輕故難其人  
而必重卿性識明敏文才贍優夙承乃父之風  
有名中夏時得衆儒之望爲準東韓學既有以

博該謀亦堪爲啓沃茲予不敷惟爾是嘉擢自  
昇聯陞于大職遂使代言於左右庶克顯美於  
邇遐凡係文詞悉令委任何遽形於引退固難  
料其情辭豈眷懷之未孚抑聽納之或失然上  
下所當無隱何患情之不通且臣子苟欲自便  
豈其義之爲大矧予何負於爾而爾有疑於予  
當體予懷勉安乃職所乞宐不允故茲教示想

宜知悉

見牧隱集東文選○按牧隱集作中書舍人田祿生奉教製

啓辭



全羅道按廉使時陳倭寇防禦之弊啓辭  
自有倭寇以來一道置戍多至十八所軍將虐  
州郡以立威役戍卒以濟私遂使凋弊逃散及  
寇至更徵州郡兵謂之煙戶軍未見禦寇祗以  
害民不若罷諸戍令州郡謹烽燧嚴斥候以應  
變如不得已當審其要害省其戍所則民力舒  
而軍餉節矣見高麗史先生本傳  
州縣之弊防倭為大自庚寅以來道內之戍歲  
益增置至十八所其軍將虐州郡以立威致其

凋弊役戍卒以濟私使之逋逃及寇至徵兵州  
郡謂之煙戶軍雖置戍所未聞禦寇祗見害民  
不若罷諸戍所令州郡謹烽燧嚴斥候以應其  
變見東國通鑑恭愍王紀○按編史者節約故  
兩處所出文之上下多不備中間轉換不同  
此下倭  
疏  
起居舍人時論鹽鐵別監之弊疏  
今特遣別監以蓋鐵為名民聽必駭下一新令  
更緣為奸弊生百端別監必欲多得稅布因而



夏寵民不受鹽無異平日納布之苦今益甚矣  
若令存撫按廉行之民以為常不至驚駭持以  
歲月課其功緒民不敢違必有成效况永陵之  
時凡所聚斂無所不為獨於鹽鐵別監一試之  
而不復議况今一遵祖宗之法以清明為治而  
議及於此恐為盛代之累

見高麗史食貨志鹽法

諫官時罷知密直司事睦仁吉疏

仁吉暗險羸暴起自微賤位至宰輔挾功驕恣肆其狂暴凌辱子松憲司劾之曾不知愧欲蓋

其愆反訴臺臣是恃殿下之恩而蔽殿下之耳目也殿下豈可以負緘微勞輕左右耳目之司乎非所以示公道也

見高麗史睦仁吉傳東國通鑑恭愍王紀

附錄

本傳

鄭麟趾

田祿生字孟耕潭陽人忠惠時登第補濟州司錄八為典校校勘中征東鄉試祿生嘗為整治官究治權豪忤其意以故沮之未得應舉恭愍朝授起居舍人與諫議李穡司諫李寶林鄭樞



等上書

在本稿

論鹽鐵別監之弊王召臺諫宰相

問利害稽寶林稱疾祿生樞固執前議不變遷

殿中侍御史出按全羅道奏曰云云

在本稿

紅賊

之亂扈駕南幸錄功為二等累轉左常侍拜監

察大夫王以公主娠彌月赦祿生與掌令李茂

方擇情不可原者復囚之前此糾正宋綱與大

護軍韓仲寶爭路由是重房憲司有隙至是倅

官尹祥為上護軍重房嘆前事使祥譖于王王

大怒將下祿生獄侍中慶千興諫乃止尋改密

直提學歷大司憲政堂文學官至門下評理賜

推忠贊化輔理功臣號辛禍初諫官李詹全伯

英請誅李仁任池齋禍下詹伯英獄辭連祿生

及朴尚衷杖流俱道死

出高麗史

畫象贊三首

王德清

軒然其儀粹然其容冷然若清風之灑蘭雪飄

然若孤鶴之翔雲松豈逍遙於粟里抑嘯傲於

隆中不然是何衣冠之澹雅而意氣之從容耶

出家藏牒下同



又

馬融

接人以禮處己以寬齊侯流裔晉代衣冠昔清  
隱於彭澤今復見於三韓

又

王勳

田公孟耕以文學發科領袖成均而雅志丘  
壑好事者圖其象若淵明以視其志田公雖  
未必謝每放情物外欲為松菊主人以效古  
人耳觀者毋徒言其出處尚論其志也讚曰  
氣寬緩而守固形清婉而神腴蹟平常而志遠

容冲淡而意舒閒不以鏡而真閒心何必在於

夫余鏡一作境

扈從錄

恭愍王十年辛丑冬十一月丙寅王及公主奉  
太后南狩渡臨津次兜率院從者唯侍中洪彥  
博李品平章事金鏞慶千與柳濯僕歟金逸逢  
叅政鄭世雲判樞密院事李春富發書金希祖  
知樞密院事柳叔孫登知奏事元松壽承宣金  
續命洪彥猷李穡金達祥兵部尚書睦仁吉上



將軍金元命前吏部尚書洪師範前刑部尚書  
柳淵諫議金漢龍將軍李琳張伯顏員外金君  
鼎刑部侍郎郭忠秀正言朴思慎御史朴大陽  
侍御史田祿生而已王駐駕江岸顧瞻山河謂  
松壽稽曰如此風景卿等正宜聯句

出高麗史

應製錄

恭愍王十一年壬寅秋九月辛酉王幸北亭拜  
表遂登拱北樓令文臣和板上詩韻

出高麗史

元松壽李穡成士達次韻製進洪彥博李品李

齊賢黃石奇柳淑金漢龍禹吉生李岡廉興邦  
田祿生崔龍權鑄朴中美金君鼎華之元禹玄  
寶李靱韓昉曹繼芳許佺田得良李邦直皆和

進出輿地勝覽

遺事

高麗忠穆王三年丁亥春三月整治都監杖殺  
元皇后族弟奇三萬下都監官田祿生徐浩等  
于行省獄皇后族弟奇三萬倚勢奪人田土恣  
行不法都監捕杖之死獄中於是行省理問所



囚都監官田祿生徐浩等訊問之王煦等呈書  
于僉議府爭之不能得煦等將如元親奏會元  
使來以命問整治幾何於是理問所聞之放祿  
生等出鹿吳  
行省理問所囚整治官徐浩田祿生等永晔告  
王曰殿下何囚整治官王曰三萬奪人田五結  
何至於死永晔曰三萬怖勢縱恣奚止奪五結  
田王召理問河有源問之永晔曰我等親奉帝  
命先治元惡浩祿生奚罪乃自繫行省獄王命

出鹿吳  
永晔傳

行省理問所收都監官佐郎徐浩校勘田祿生  
訊問煦與永晔呈書于僉議府曰我等親奉帝  
命整治本國今行省理問所以三萬之死歸咎  
都監囚治祿生理問河有源按私枉問必欲誣  
服自今不能整治冀轉達中書省出鹿吳  
冬十月甲午元以三萬之死遣直省舍人僧家  
奴杖整治官白文寶申君平全歲安河楫南官  
致趙臣王金遠祥盧仲孚李天伯許混李承閔



安克仁鄭光度吳璟徐浩田祿生惟安軸王煦  
以聖旨原之前判密直司事金先轍前大護軍  
李元具以病免帝仍降璽書復置整治都監令  
王煦判事出唐史又見東鑑東國史略  
憲定壬二季庚寅秋九月遣左獻納白彌堅前  
典客寺丞金仁培應舉于元初田祿生亦在解  
額嘗為整治都監官究治權豪故疾而沮之出東鑑

恭愍王六年丁酉九月分遣諸道鹽鐵別監右

諫議李穡起居舍人田祿生右司諫李寶林左

司諫鄭樞等上書論鹽鐵別監之弊曰云云在本

稿王名宰相臺省問鹽鐵利害穡寶林稱疾祿

生樞固執前議左諫議南兢與同列素不相能

獨曰遣之便左侍中廉悌臣亦言蓋鐵使業已

定矣不可改也王從之出麗史食貨志鹽法又見東鑑東略提綱東史

會十年辛丑夏五月全羅道按廉使田祿生啓曰

云云在本稿○出東鑑又見麗史先生傳會綱



睦仁吉素與典法判書李子松有憾子松奉使如元都堂餞之仁吉使酒扼子松吭而罵之監察司劾之仁吉訴臺官于王典法司再劾之王不聽諫官田祿生等上疏曰云云在本王不得

已罷封泗城君僉議監察典法復請乃罷歸田

里出麗史睦仁吉傳

十三年甲辰夏六月乙卯明州司徒方國珍遣

照磨胡若海偕田祿生來獻沉香弓矢及玉海

通志等書出麗史

冬十一月丙寅以田祿生為監察大夫出麗史又見東

鑑

十四年乙巳夏四月辛丑遣監察大夫田祿生

宦者府院君方節如元進禮物于皇太子又贈

廓擴帖木兒及播王等出麗史下同

甲辰以田祿生為密直提學金先致為密直副

使

秋七月庚辰以田祿生為雞林尹李得遷李存

吾為右左正言



十五年丙午春三月庚子遣密直提學田祿生  
聘于天下摠兵官河南王廓擴帖木兒

出麗史  
又見東

鑑提

夏六月壬戌田祿生不達河南而還書狀官金

齊顏欲達使命留燕京

出麗史

金齊顏以軍簿佐郎從田祿生聘河南王廓擴  
帖木兒至燕京皇太子惡其通信命東還齊顏  
謂祿生曰公大臣不可留予且雷必達使命遂  
稱疾留燕寄書其兄齊閔曰燕都雖不如昔文

夫可居之地也王以齊顏有異謀徵例賜錢穀

居無何齊顏自燕單騎走河南達國書曰宰相

田祿生被令旨還國齊顏以王命不可不達又

樂聞大玉各不遠萬里而來

出麗史  
又見齊顏

十六年丁未秋七月壬辰以田祿生為慶尚道

都巡問使

出麗史

二十年辛亥三月李穡知貢奉田祿生同知貢

奉取進士六月親試賜金潛等三十一人及第

出麗史  
舉志科目



秋七月己巳流大司憲孫鴻以田祿生代之出麗

史又見東鑑

二十二年癸丑秋七月乙巳賜牟尼奴名禍封

為江寧府院大君百官賀命政堂文學白文寶

田祿生大司成鄭樞等傳之出麗史又見提綱會綱

王命知申事權仲和往前政堂李穡第會文臣

議改牟尼奴名乃書八字以進王以禍命之仍

召侍中慶復與密直提學廉興邦政堂文學白

文寶議封禍江寧府院大君使文寶及田祿生

鄭樞等傳之出麗史幸禍傳又見白文寶傳

冬十二月戊戌平壤尹田祿生斬稱永陵孽子

釋器者傳首于京出麗史又見東鑑下同

癸卯大赦教曰今西北面都巡問使田祿生密

認釋器在其部內誘集凶徒潛謀不軌與西海

道都巡問使金庚即往捕獲傳首至京

王安置釋器于濟州令李安鄭寶等押送至海

中擗之於水釋器不死凶匿西北面都巡撫使

田祿生報有稱釋器者在平壤府謀逆遣慶復與



等捕之祿生與西海道都巡問使金庚獲所謂  
釋器者斬之祿生之搜捕也釋器亾走匿安峽  
民家死於平壤者乃釋器同行僧也出麗史釋器傳又見

綱提

二十三年甲寅夏四月丁未以論崔瑩罷大司  
憲金續命貶持平崔元濡為延安府使以門下  
評理柳淵兼大司憲判開城府事田祿生代瑩

為慶尚道都巡問使

出麗史又具東鑑

禍始置書筵以田祿生李茂方為師傳

出麗史辛禍傳

又見綱提

洪武八年北元遣使來高麗禍欲遣大臣迎接  
鄭夢周上書言其不可請執元使遣大臣奉表  
如明兼告金義殺使投元之由禍不從高麗  
諫官李詹全伯英等疏論李仁任池齋陰與金  
義殺明使迎元使之罪請誅之李仁任等大  
怒下詹等獄辭連田祿生朴尚衷獄官崔瑩杖  
訊甚酷流遠地祿生尚衷皆道死出十九史略補  
夏四月北元使來下典校令朴尚衷評理田祿



生諫官李詹全伯英等于獄杖流之并流典儀  
令鄭道傳大司成鄭夢周及金九容李崇仁權  
近鄭思道李成林等先是李仁任與百官聯名  
爲書將呈北元中書省左代言林樸典校令朴  
尚衷典儀令鄭道傳以爲先王決策事南今不  
當事北并不署名既而北元遣使來曰前王背  
我歸 明故赦爾國弒王之罪於是宰相李仁  
任慶復興池濬等欲迎之三司左尹金九容典  
理摠郎李崇仁典儀令鄭道傳三司判官權近

等上書都堂曰若迎元使一國臣民皆陷於亂  
賊之罪他日何面目見先王於地下李仁任等  
却不受令道傳往迎元使道傳詣復興第謂曰  
我當斬使首而來不然則縛送于 大明辭頗  
不遜仁任等怒乃流道傳于會津繼而鄭夢周  
朴尚衷等上疏極言迎北使之不可尚衷復上  
疏極陳李仁任主張事北之議之罪請誅之獻  
納李詹全伯英等亦上書請誅仁任會有阿仁  
任者上書請鞠李詹等於是遂下詹伯英于獄



使崔瑩池齋鞫之辭連朴尚襄田祿生等皆杖  
流之仁任又奏流鄭夢周金九容李崇仁權近  
鄭思道李成林等

出提綱

右獻納李詹左正言全伯英上疏曰守侍中李  
仁任陰與金義謀殺天使幸而獲免此國人  
所以切齒痛心者也吳季南擅殺定遼衛之人  
張子溫不以金義之殺使告定遼衛罪當推鞫  
仁任置而不問罪一也近贊成事池齋出鎮西  
北得金義書不以上達密附仁任及殿下繫索然

後乃聞託以不惑民聽罪二也胡書之來池齋  
寫其書削其言之要者以獻殿下付其書仁任  
仁任不即上聞罪三也與百官同盟以示專事  
殿下之意與胡適欲樹功藩王以免他日之駭  
反復姦詐罪四也仁任齋唇齒煽變將然之駭  
不可測請誅仁任與齋又正季南子溫之罪又  
遣使聞于天子書上貶詹知春州事伯英知

采州事

出處史李仁任傳

鷹揚軍上護軍禹仁烈親從護軍韓理阿仁任



意上書以爲諫官論宰相非細故也諫官是則  
宰相有罪宰相無罪則諫官非矣不可不辨遂  
下鞫伯英獄使瑩齋等鞫之辭連尚衷田祿生  
瑩杖鞫祿生尚衷甚慘仁任曰不須殺此輩乃  
流之皆道死杖詹伯英及方甸閔中行朴尚真  
流之又以九容崇仁鄭夢周林季先廉廷秀廉  
興邦朴形鄭思道李成林尹虎崔乙義趙文信  
等謀害己并流之出麗史李  
仁任傳  
獻納李詹正言全伯英等上疏請誅仁任池齋

於是下詹伯英獄辭連祿生尚衷使崔瑩池齋

杖鞫甚慘仁任曰不須殺此輩乃流之祿生尚

衷皆道死

出東史纂要  
朴尚衷傳

李仁任殺門下評理田祿生與校令朴尚衷祿  
生尚衷等之下獄也推官希仁任意拷掠甚慘  
由是二人皆道死尚衷羅州人性沉默慷慨有  
大志博該經史善屬文平居言不及產業居家  
孝友莅官勤謹視人不義富貴蔑如也及卒年  
四十四祿生亦有時望皆死非罪時議惜之出



綱

李仁任池齋抗 天朝殺使臣迷君誤國之罪  
在所當誅李詹伯英之疏曾不負諫職矣而仁  
烈韓理池李之鷹犬則其阿意欲軋言事者固  
不足責禍之為君狂悖顛倒不辨邪正則亦不  
足責瑩平生以正直自許而反為之助兇黨辱  
言官嚴加酷刑羅織一時英雄豪傑之罪悉皆  
流竄之祿生文武全材尚裒慷慨有大志俱不  
保性命其濫刑罰枉害忠良之罪不於瑩責誰

歟以後日攻遼之計觀之則瑩之心即池李之

心其右池李而後諫官亦復何責哉

出東鑑  
史斷

至正癸巳四月益齋先生陽坡先生與貢舉無  
燕會漢與同年成行罷則休于家甚蕭索也歲  
乙未南村李政丞星洞安政堂與貢舉時李公  
之姑奇后母也因獻壽觴故兩學士皆設燕然  
比舊減十之七八丁酉科李樵隱金思亭與貢  
舉李略設金亦如之但日數多耳庚子科金四  
宰韓商議典貢舉粗有前規壬寅歲駕在清州



洪陽坡柳商議典貢舉如癸巳歲乙巳李樵隱  
再知貢舉穡副之歲己酉又如之歲辛亥穡知  
貢舉田政堂副之歲甲寅李評理廉政堂典貢  
舉皆不設宴今上即位言者歸咎陽坡復設燕  
享今數科矣糜費不為少言者又非之請如己  
酉科既而又以今庚申年主司皆有親在堂當  
獻壽於是成均試員徐承旨以父母在鄉里故  
請如癸巳而廉公朴公皆侍親側依舊規設

謙出牧  
隱集

田祿生字孟耕潭陽人五歲知讀書能綴句八  
歲誦益松詩曰云云在本稿見者異之及登第以  
文名著稱累遷政堂文學直夜有詩曰云云在本  
稿雖是尋常篇什而其憂國愛君之心類如此

出師友  
各行集

洪武四年恭愍王二十年辛亥三月及第榜李  
穡知貢舉田祿生同知貢舉六月親試出歷朝  
榜目又

見宜春  
世乘

金政堂得培題金海客館云來管益城二十春



當時父老半成塵自從書記為元帥屈指如余

有幾人田政堂祿生題合浦云云云在本兩公

皆文章鉅手兼總戎兵其橫槊哦詩氣象大異

於雕篆酸寒者之所為也鄭學士地早杖節鉞

題錦江樓船云隋家賀若弼晉室祖將軍杖劍

過江水歸來誓掃雲其詞語豪壯傑特大丈夫

之立語固不當如是乎出東人詩話

登齊顏恭愍朝登第以軍簿佐郎從田祿生聘

河南王至燕京皇太子惡其通信沮之祿生東

還齊顏雷燕達國書于河南王後謀誅辛毗專

世而死出輿地勝覽又見青丘風雅海東維錄大泉韻玉海東文獻錄

映湖樓詩板陰記曰圃隱集有曰昔壑隱田先

生雞林判官時幸金海妓玉纖纖後十年來鎮

合浦纖纖已老呼置左右日使之彈琴有詩云

在本倭鷲亭尹鷲林有詩云在本按全羅罷煙戶軍防

倭鷲亭尹鷲林上禮狀曰按駱轡則一道之休

稱大著用牛刀則二州之遺愛尚存謝送倭酒

詩曰元帥坐吟詩無心強攻敵感化孰奠來何



必煩羽檄又曰至正丁未出鎮合浦清心省事  
久不遞代從民望也益齋曰田郎作倅吾雞林  
父老至今懷德音尹平壤執釋器誅之後為政  
堂文學 大明初起元駐北時以臺諫朴尚稟  
李詹等蹶章辭連忤權臣坐貶東國通鑑論曰  
祿生文武全材陶隱逸李浩然赴合浦幕序論  
浩然之氣曰况得田先生為之主乎固城懸板  
首曰吾先人遁村從壑隱田公佐合浦幕弘治  
乙卯後孫實承差幸登是樓目一詩板殘缺無刻

覽者不知何許人改板次韻仍以舊聞記其出

世大略云

出滌城家  
歲行蹟

### 歷官略

謹按今去先生下世之年已三百有四十年  
矣不幸遺草已缺家牒無多試以東國史記  
諸家詩文及羣書等語採為歷官略如左而  
其不稱年譜者以斷爛文字剔接撰次故先  
生年甲科年享壽俱未得詳所歷內外本兼  
諸職亦未盡錄而雖其所錄者其年月或有



未詳亦有後先故也若其德行文學與夫義

節之可記者自有家狀故茲不註脚後之觀

者繇是而尋諸狀則庶幾知先生平生之萬

一云先生行狀及墓道等文未知其初果有無而今既不可見則其階之所進爵之

所封又無可據也至於謚號則高麗時大臣

幸相雖皆得之而恐先生被禍之後權姦纒去而國隨以亡故未及有易名之典耶

舊說先生家居于潭陽府北藥臺山原粟

川之里中年屬其舊基于公家以建文廟

故潭州父老至今稱鄉校為先生舊址蓋

先生自此移居于石城縣南屏村面東山

上里而先生之孫孝子副尉公旌門尚立

其遺址云

高麗忠惠王朝先生登第

見高麗史輿地勝覽東國名臣錄耽羅志

同下

按金齊顏師友名有錄曰五歲知讀書八歲

誦益於詩見者異之及登第以文名著稱○

按忠惠前發即位皆有設科而先生於忠穆

補濟州司錄

三隱合集卷一

附錄

二十四



○按壽亭李公日用牛刀則二州之遺愛尚存  
○按興地勝覽東國各宦錄耽羅志黃濟州

官名

入為典校校勘見麗史

忠穆王三年丁亥春先生以校勘為整治都監

官見麗史東國通鑑東國史略麗史提綱下同

按時王正獻煦金龜奉永耽謹齋  
安文貞軸等為其整治都監專

三月先生以都監官究治權豪杖殺元皇后族

弟奇三萬行省理問所下先生及佐郎徐浩等

于獄

按四月左政丞金永耽告王爭之乃自繫行  
省獄又五月政丞王煦與金永耽呈書于金  
議府冀轉  
達中書省

十月甲午元以三萬之死遣直省舍人僧家奴

杖整治官先生及白文寶申君平徐浩等十餘

人

憲定至二年庚寅九月先生申征東鄉試以嘗

究治權豪沮未赴制科見麗史東鑑

按時左獻納白燭堅前典客寺丞金仁瑄同  
中鄉試應舉于元○按以鄉試應制科者年  
未滿二十五則不許其赴而先生特以權豪  
所沮不赴則其年已過二十五歲可知矣



恭愍王朝先生嘗除御史

見牧隱集

按麗史以司憲糾正間為監察御史而先生後經殿中侍御史及侍御史則此云御史恐是監察御史也○按牧隱集有次韵田御史某二首而觀其詩語則似在恭愍即位之後故隱登第之際故今係于此

六年丁酉九月先生以起居舍人與諫議李穡

司諫李寶林鄭樞等上書極論鹽鐵別監之弊

見牧隱集麗史東鑑東略輿地勝覽提綱東史會綱

書在本稿

遷殿中侍御史

見麗史

按麗史恭愍五年改監臺侍平為殿中侍御史

嘗除雞林判官

見益齋亂稿牧隱集國名臣錄益

城志海東雜錄六東韻玉東京雜記

按時則有雞林東亭詩悉亦莊為判官時也○按益齋

李文忠公詩曰田郎作休吾雞林名老至令懷德音又按權文海東雜錄曰右贊績益

蓋作詩思之○按雲亭李公曰用牛刀則二州之遺愛尚存○按輿地勝覽東國名宦錄

東京雜記東慶州名宦

嘗為舍人公上三書

見牧隱集

按三書皆逸而不傳○按已上兩條以牧隱集寄贈詩篇次觀之在於戊戌己亥季間故



今係于此

十年辛丑春以司諫出為全羅道按廉使見益齋

五月奏啓極陳倭寇防禦之弊見龍史東

啓在本稿○按益齋李文忠公送先生詩極言南方痼弊至有馳奏得令明主知之旬而

先生果有是啓則其交勉盡職之美可見矣○按齊亭李公曰按駱轡則一道之休稱大

嘗拜郎中見平

按平齋集有與田郎中同宿詩而未詳其年第李公亦於辛丑秋按廉慶尚則恐在此時故今附焉

十一月丙寅王南狩先生以侍御史扈駕從之

見龍史

按龍史恭愍五年改監味掌令為侍御史○按龍史是季冬紅賊渡鴨綠江至興義驛至是王兩狩先生扈駕從之侍中洪彦博李禧知樞密院事柳叔知奏事元極壽承宣李禧等亦從之○又按龍史十二月壬辰王到福州乙未幸映湖樓遊賞

嘗拜中書舍人知製誥見牧

按時則有李禧辭免左代言不允批答○按牧隱李譜辛丑十二月轉左承宣壬寅三月改右代言蓋其辭免實在辛壬季間而先生時以中書舍人製不允批答矣

十一年壬寅春官制行政內書舍人見圓齋



按麗史是季改中書舍人為內書舍人而圖  
畫集亦曰田內舍其則其為內書舍人無疑  
矣○按麗史是季二月辛丑王發福州癸卯  
駐尚州○接先生有賦湖樓次韻詩恐先生  
扈駕在福  
州時也

### 夏先生扈從畱尚州

按圖齋集云李勣正言扈從至尚州寓舍北  
有四松倚松藉茅以為避暑之所田內舍某  
名之曰四君子亭  
蓋在是季夏也

六月以諫官上疏請罷知密直司事睦仁吉

史東

本稿

九月十九日辛酉先生侍從拱北樓和進權漢

功舊題詩見麗史與

詩在本稿○按麗史是年八月乙酉王發尚  
州壬辰至清州○按時王命知由事元松壽  
依言李禧成土達次韻製進於是左政丞洪  
陽拔李杏村黃檜山暨諸大夫儒士皆和進

十二年癸卯閏三月乙酉以典理摠郎錄辛丑

扈從功二等見麗史

按麗史忝愍十一季改吏部為典理司以侍  
郎為摠郎○按麗史是季二月乙亥王發清  
州壬午還京師甲申賀還都閏三月乙酉錄  
功臣先生以扈從功錄前司宰令金暉下典  
法摠郎  
權鑄上



嘗累轉左常侍

按先生本傳云錄功為二等累轉左常侍然則自典理都郎至左常侍之間多歷他職可知矣

是年修聘浙東 見陽村集

按綱鑑會纂曰時方國珍據台州台州屬浙東○按時築隱金公方壩為副

十三年甲辰六月乙卯先生還明州司徒方國

珍遣照磨胡若海偕來獻沉香弓矢及玉海通

志等書 見麗史

按明州屬浙東國珍或作谷珍

十一月丙寅拜監察大夫 見麗史東鑑

按麗史忠宣後改司憲府為監察司以大司憲為大夫恭愍五年改監察司為御史臺大司憲如故十一季復改御史臺為監察司

十四年乙巳二月王以魯國公主娠彌月赦先

生與掌令李茂方擇情不可原者復囚之 見麗史下同

按麗史恭愍以江陵大君在元尚元魏王世是為魯國公主

時倖宦上護軍尹祥譖于王王將下先生獄侍

中慶千與諫乃止

四月辛丑以監察大夫如元進禮物于皇太子



又贈廓擴帖木兒及瀋王等

按時宦者府院君方節為副

是月甲辰為密直提學

七月庚辰除雞林尹

十五年丙午三月庚子又為密直提學聘于河

南王廓擴帖木兒

見麗史東鑑提綱輿地勝覽青丘風雅海東雜錄大東韻

王海東文獻錄下同

按時軍簿佐為金齊顏為書狀官

六月壬戌先生還自燕京

十六年丁未七月壬辰為慶尚道都巡問使出

鎮合浦

見霽亭詩圃隱集陽村集樓解古文真寶通史輿地勝覽東人詩話詳說古文

真寶東國名宦錄益城志海東雜錄大東韻玉

按時則有題合浦營詩○按霽亭詩註曰至正丁未出鎮合浦濟心省事久不遠代從民

望也○魏園隱權陽村兩集皆云金海妓玉纖纖者善彈琴故宰相瑩隱田先生嘗伴

難林愛之有贈一絕後十餘季先生出鎮合浦時纖纖已老矣呼置左右日使之彈琴樓

中題詠多用其事○按輿地勝覽東國名宦錄載昌原名宦

嘗購來古文真寶始刪增刊行于世

見箋解古文真寶詳

說古文真寶舊說



按舊說先生嘗奉使入中國始購來古文真寶手自刪增其適合浦時刊行于世故至今讀古文者必稱先生用功○按先生再鑄合浦則已上諸事未知必係於是季而今姑附焉

嘗拜政堂文學見師友錄

按金公齊顏於戊申被禍而其所著師友名錄已言累遷政堂文學則先生在此時亦職矣

二十年辛亥三月同知貢舉取金潛等三十一

人見麗史牧隱集歷朝榜目左春世乘

按時牧隱李公稽知貢舉○按麗史舊制二府知貢舉卿監同知貢舉又云國俗掌試者

謂之學士門主稱之則曰恩門○按曹仲謏闕瑣瑣曰麗之座主門主之間嚴如父子

弟故甚重貢舉之職○按時全伯英李行雨在李伯由金若采柳竟金若恒金震陽廉廷秀曹康等亦登第皆知名士也

七月己巳拜司憲府大司憲按麗史東鑑

按時辛曉伏誅流系湯以先生代之

二十二年癸丑七月先生復為政堂文學見麗史

隱集東人詩話與地勝覽海東雜錄大東韻玉梅東文獻錄

是月乙巳以本職為江寧府院大君師傳見麗史

綱會



後時王命會文臣于前政堂李楷第議改年  
尼奴名曰禱仍封為江寧府院大君命儒臣  
致堂文學白文實及先生  
大司成鄭祖等為師傅

是年嘗為西北面都巡問使兼平壤尹

見麗史  
東鑑提

紙陶  
隱集

辟張衡叔為幕府

見陶  
隱集

按張衡叔  
未考其名

十二月戊戌有僧釋器同行僧者在平壤府謀

亂先生與西海道都巡問使金庚捕獲斬之

見麗

史東鑑  
綱提

二十三年甲寅四月丁未以判開城府事再為

慶尚道都巡問使出鎮合浦

見麗史東鑑輿地  
勝覽東國名宦錄

按初以崔瑩為都巡問使因大司憲金續命  
持李崔元瀉啓令都堂臺諫薦可代者以先  
主代之

辟李集為幕府

見遁村雜詠陶隱集陽村  
集李仁孫固城館題咏

嘗東狩西征入于固城

見遁村  
雜咏

按遁村李公固城感懷詩有元戎東狩復西  
征及木葉蕭蕭下古塚之句恐先生出狩似  
在秋  
日也

嘗賜推忠贊化輔理功臣之號

見麗  
史



嘗拜藝文館大提學知春秋館事階匡靖大夫

見家藏牒潔城  
家藏行蹟下同

嘗兼司憲府大司憲

辛禡元年乙卯正月為書筵師傅

見龍史  
提綱

按時以先生及李  
光陽茂方為師傅

夏以門下評理與諫官李詹等請誅李仁任

見

九史略補歷史東鑑東略提綱東史纂要與地  
勝覽海東雜錄大東韻玉海東文獻錄下同

按恭愍十八年大明太祖高皇帝遣使告  
定天下明年始行洪武年號及前年九月恭

愍被弒時侍中李仁任方擅國柄懼天子  
罪誦問故渠當其罪密遣金義殺帝使欲

與贊成事池翁迎元使大司成鄭公夢周典  
校令朴公尚衷上疏力爭先生與獻納李詹

正音全柏莫直  
請誅仁任及翁

七月先生與判典校寺事朴尚衷同杖流道卒

其時騰揚軍上護軍禹仁烈親從護軍韓璉  
阿仁任意上書下李詹全伯英獄使池翁及

刑三司事崔瑩翰之先生與朴公尚衷同逮  
獄杖鞠甚慘仁任曰不須殺此輩乃流之皆

道卒又杖流李詹全伯英并疏鄭公夢周  
及三司左尹金九容典理摠郎李崇仁等

諸家詩文

送田祿生司諫按全羅道 李齊賢

田郎作伴吾雞林父老至今懷德音弄囊慙惻



叫闔辭枕戈慷慨從軍詩晏嬰高節凌首陽誰  
貴食粟曹交長登車攬轡志澄清南方草木亦  
知名南方近者頻年蒸瘠瘠往往僵路傍守令  
識字百二三坐視弄法猶盲暗旋驅農夫防海  
倭賊刃未接先奔波大將坐幕擁笙歌小將汗  
馬輸弓戈豪奴聯騎攘公田官徵逋租不計年  
嗚呼民生至此極誰與吾君寬旰食益齋也曾  
玷廊廟受侮老姦並惡少乞身自退僅免厥此  
日尋思顏可楮田郎夙慕君子儒豈比老我空

嘯嘯往哉問瘼公無私馳奏得令明主知出益齋亂稿

夢見東京田判官曉有府吏告歸者因寄

此 李 穡

如何不寄一行書遠別無端半歲餘夢裏見君

頻款款定應君夢亦逢予出牧隱集下同

寄東京田判官

新羅王氣千年滅作國東藩奉符節自古慕賓  
才出羣况今邑子紛如髮知君參佐身雲飛畫



三隱合集卷一  
諸坐嘯相倚依待見野蠶春作繭始稱淡副舜  
垂衣

寄雞林田判官

吾詩安小成而不如惠夷細愧古作者聊抒心  
所之君詩淡如水微風生淪漪公餘佳山水有  
句皆清奇如何不一寄益愧吾蕪辭

次韻田御史

祿生

二首

慷慨絕倫田御史疎慵無比李新郎欲追騏驥  
真難及却愧虬蟄不自量君政曳裾期補袞吾

方振履學歌商世間出處渾如夢更詠來詩立

晚涼

毀非關己譽何喜才莫如人德更涼月獨有情  
從我蔡山多不俗起予商備嘗出處知爲計縱  
欲飛騰已可量賴有虛名足驚座益齋門下壯  
元郎

哀哉行

爲舍人田瑩  
隱之作

哀哉白髮田舍人青衫飄泊京華塵劬勞屏障  
三十年功不見酬今已遷當時儕輩皆飛騰疇



肯推挽且輾凌舍人有子早知名家教薰陶學  
業成慨然憫父不得志欲請銓曹恨無地匍匐  
闕下三上書同列聞之為歛歔天高鶴唳夏清  
遠白日不向墻陰轉諸公老手作陶冶汪度詎  
容忘孝者華顛郎署上所嗟况此陸沈將奈何  
此詩雖為孟耕作卻為士流悲命薄本集又有正月十二日雨尤增感歎詩而有隱曾醉携壺隱翁扣舷故歌崖石裂人生古今一瞬爾獨詠新詩慰愁絕之句

立秋前一日與田郎中蘇生同宿

李岡

月出四山靜蟲鳴一院空人間猶夏夜天上已  
秋風蘭葉露華白花畦煙彩紅迢迢湖海夢今

夕與君同出平齋集

李韜正言扈從至尚州寓舍北有四松倚  
松結茅以為避暑之所田內舍蘇生名之

曰四君子亭 鄭樞

李君作新亭半隱良可比名字孰肯許早已經  
平予王澄所題曰王衍不復巍然四蒼官偃蓋



相依倚於焉坐嘯傲主人亦佳士我來纔入門  
溽暑驚秋意高節貫四時信哉君子義可憐樓  
湫隘無以暢心志豈知軌道傷爽塏有茲地滿  
懷玉雪淨繞床笙籟起俄令沈痾空頓覺清虛  
至周伯仁與庾公語言念古之人子美有故事不知杜  
拾遺若此日劇醉凌雲氣蕭瑟蔽日形骯髒安  
得起韋偃放筆使為戲半隱王龜亭名  
○出圓齋集

謝田元帥送倭酒

李達哀

元帥坐吟詩無心強攻敵感化孰奠來何必煩

羽檄

至田丁未出鏡合浦清心省事以不  
遞代從民望也○出潔誠家藏行蹟

送張衡叔還西都田宰相幕

李崇仁

相國經綸器朝鮮禮義邦參謀今俊逸遺俗夏  
醇麗樓閣臨平野風煙接大江君歸如記我莫  
惜鯉魚雙出陶隱集

陶隱齋記

李穡

古之人隱於朝者詩之伶官漢之滑稽是已隱  
於市者燕之屠狗蜀之賣卜者是已晉之時隱



於酒者竹林也宋之季隱於漁者若溪也其他以隱自署其名者唐之李氏羅氏是已三韓儒雅古稱多士高風絕響代不乏人鮮有以隱自號者近世雞林崔拙翁自號曰農隱星山李侍中自號曰樵隱潭陽田政堂自號曰壑隱余則隱於牧今又得侍中族子子安氏焉蓋陶乎隱者也陶者舜之升閭周之將興以之爲地者也方冊所載可見已

出牧  
隱集

送李浩然赴合浦幕序

李彙仁

李文忠公安文敬公道德文章師表一世而知人之明求士之急雖古人莫及是以豪俊多出其門焉兩公所愛重者廣李君其尤也曰吾名元齡今改以集字浩然吾子其著名字序余諾之不卽爲也今年夏從宰相田先生辟將之合浦則見余曰茲可爲矣余曰人之命名字摘取聖賢之格言皆是夷考其實未必相當也孟子論浩然之氣是集義所生也君以此養之於平居無事之時驗之於屯難遭變之日又嘗聞文



忠文敬之論其於養氣濳有得也余奚庸說雖然試爲君誦所聞夫大化流行二五之精細縕繆轉人乃生焉所以生者卽天地之氣也故其爲氣也至大至剛夫惟至大也放諸天地而準至剛也觸諸金石而貫其體本自浩然第在乎善養之爾養之得其道則吾之氣天地而已矣彼餒焉而不充者養之失其道也於此有道焉惟集義乎集義者事皆合義之謂也義吾固有也不可須臾離也而吾所爲反乎是則吾豈憊

乎哉有毫髮不憊於心氣斯餒矣雖一動靜語默之間無少愧怍心廣體胖則所謂浩然者流動充滿隨處發見將不可勝用矣故曰是集義所生也君之平日姑不論其涉難四年人不堪焉而君處之無難者必有以養此而致之非適然也今余之說果無戾於聖賢之志否乎余恨不得及門於兩公求正是焉雖然今君之行講田先生矣間以余說求先生一言以正余謬安余於浩然實倦倦也若參謀帷幄中出奇制勝



浩然固優為矣况得田先生為之主乎浩然行  
矣哉

出陶隱集又  
見道村雜詠

贈金中顯方礪詩序

權近

金海金君汝用號築隱吾母黨族也初仕柏堂  
材出衆癸卯之難徵兵交州大為玄陵器重其  
年使宰相田公祿生修聘浙東君為副皆時之選  
也浙東人稱其知禮洪武十六年龍集癸亥夏

月朏

出陽  
村集

古文真寶誌

姜淮仲

此編所載詩文先儒精選古雅表而出之承學  
之士所當矜式也前朝時壑隱田先生祿生出  
鎮合浦董戎之暇募工刊行由是皆知是編有  
益於學者然其本歲久板昏且無註解觀者病  
焉歲在己亥余承乏觀察忠清越明年公州教  
授田藝出示此本有補註明釋瞭然於心目因  
囑沃川守李護監督重刊未數月而告畢於戲  
豈非斯文之一幸哉今以二本讎校則舊本頗  
有壑隱先生所刪所增故與今本中間微有小



異耳愚於此論辨並論諸後學云時永樂龍集  
庚子孟冬下澣嘉靖大夫忠清道都觀察黜陟  
使晉陽姜准仲謹誌

出古文  
真寶

古文真寶大全球

金宗直

詩以三百編爲祖文以兩漢爲宗聲律偶儷與  
而文章病焉梁蕭統以來類編諸家者多矣率  
皆誇富鬪博咸池之與激楚鬪洗之與康瓠隋  
珠之與魚目俱收并摭不厭其繁文章之病不  
暇論也惟真寶一書不然其採輯頗得真西山

正宗之遺法往往齒以近體之文亦不過三數  
篇不能虧損其立義之萬一前後三經人手自  
流入東土塾隱田先生首刊于合浦厥後繼刊  
于管城二本互有增減景泰初翰林侍讀倪先  
生將今本以遣我東方其詩若文視舊倍從號  
爲大全漢晉唐宋奇閒儻越之作會粹于是而  
駢四儷六排比聲律者雖雕績如錦繡豪壯如  
鼓吹亦有所不取又且參之以濂溪關洛性命  
之說使後之學爲文章者知有所根柢焉嗚呼



此其所以爲真寶也歟然而此書不能盛行于世蓋鑄字隨印隨壞非如板本一完之後可恣意以印也前監司李相公恕長嘗慨于茲以傳家一帙囑之晉陽今監司吳相公伯昌繼督牧使柳公良判官崔侯榮敬承二相之志力調工費未朞月而訖功將見是書之流布三韓如菽粟布帛焉家儲而人誦競爲之則盛朝之文章法度可以凌晉唐宋而媲美周漢矣夫如是則數君子規畫鏤梓之功爲如何也成化八年壬

辰四月上潯奉正大夫行咸陽郡守晉州鎮兵

馬同僉節制使金宗直謹跋

出古文真寶

潘南先生議謚時事蹟

朴世采

先生諱尚衷字誠夫姓朴氏羅州潘南縣人也右獻納李詹左正言全伯英亦上蘇曰守侍中李仁任陰與金義謀殺天使幸而獲免此國之所以切齒痛心者也仁任齋唇齒煽變將然之旣不可測請誅仁任與齋又遣使聞于天子於是鷹揚軍上護軍禹仁烈親從護軍韓理



阿仁任意上書以爲諫官論宰相非細故也不可不辨遂下詹伯英獄使齋與崔瑩等鞠之辭連先生及田祿生瑩杖鞫先生祿生甚慘仁任曰不須殺此輩乃流之皆道卒先生享年四十有四實是歲秋七月五日也

出潘陽二先生遺稿

月山祠享先生時文蹟略 趙徹永

高麗之末李仁任迎虜使背貳 皇明圃隱鄭先生與潘南朴公力爭其不可壑隱公抗章請誅仁任與朴公同被濬刑以沒况今日世界至

於斯極視公時又加遠矣溯挹風烈益有所感遂決意享公于月山祠云爾 崇禎紀元後再庚子通訓大夫行潭陽府使趙徹永謹識

月山祠奉安文 奇正鎮

人有大防曰惟華夷麟經之義極天昭垂昔高麗季神州義主紫繩百年 大明始有壬人執命辛禍封己喬幽拂經冠屨易置左衽三韓胡寧忍此烈烈先生秉執大義謂元可絕 明不可貳誤國之罪先誅奸臣受禍最烈其義則伸



屋社忽諸汗簡有闕桑梓遺鄉芬苾尚缺賢侯  
日咨士議攸同矧今時義感結匪風緬懷卓節  
俾也可忘躋配益齋亦孔之光四百餘載師生  
同堂臺山粟水寔公生長百世仰止勿替永享

春秋享祝

戎夏之義用以殉身爰噉秉彝式修明禮

三隱合稿卷之一



